

STATUTUS di Konseliu Konsultivu di Pais di Alunus di Ingles di Skola Charter New Heights di Brockton

Artigu 1. Konseliu Konsultivu di Pais di Alunus di Ingles (ELPAC) di **Skola Charter New Heights di Brockton**.

Artigu 2. AUTORIDADI

1. ELPAC di Skola Charter New Heights di Brockton e formadu sigindu provizons di Leis Jeral di Massachusetts Kapitulu 71A Ensinu pa Alunus di Ingles y 603 CMR 14.09: Konselius Konsultivu di Pais di Alunus di Ingles.

Artigu 3. OBJETIVU Y FUNSONS DI ELPAC

1. Objetivu di ELPAC di Skola Charter New Heights di Brockton e pa da apoiu a sesesu akademiku di Alunus Multi-lingi (MLLs) y antigus Alunus di Ingles (FELs) dentu di Komunidadadi di Skola Charter New Heights di Brockton y fornesi pais y enkaregadus di Alunus di Ingles y antigus Alunus di Ingles ku oportunidadi di spresa ses opinions.

2. Funsons di ELPAC di Skola Charter New Heights di Brockton e pa:

1. Konselia distritu o skola relativu a ses prugramas di Idukason pa Alunus di Ingles (ELE), ki ta inklui SEI (Imerson di Ingles Prutejidu) y ESL (Ingles Komu Segundu Lingua);
2. Reuni regularmenti ku jerentis di skola pa partisipa na planeamentu y dizenvolvimentu di prugramas disenhadu pa midjora oportunidadis idukasional pa MLLs;
3. Partisipa na revizon di planus di midjoras skolar y planus di midjoras di distritu relativu a MLLs;
4. Fazi revizon di prupostas a distritu skolar pa oferesi un novu prugrama instrusional pa MLLs;
5. Fazi revizon di pedidus a distritu skolar di 20 o mas pais pa abri un prugrama instrusional pa un novu lingua;
6. Prumovi un redi di pais y enkaregadus di MLLs y fornesi un forum pa konpartilia informason y diskuti asuntus di preokupason;
7. Prumovi komunikason entri menbrus ELPAC, otus konselius di pais na distritu, ekipa di distritu y administrason, Departamentu di Idukason Elimentar y Sekundariu, grupus komunitariu lokal, y publiku di forma ki ELPAC dizeja;
8. Solisita informason di distritu skolar pa podi kunpri ses funsons.

Skola Charter New Heights di distritu skolar di Brockton debi asisti ELPAC na ajendamentu di runions, na atxa spasu pa runion, publika runions pa familias, y na fornesi asistensia ku lingua.

Artigu 4. AFILIASON

1. Sima rikeridu na 603 CMR 14.09(4), afiliason di menbrus di ELPAC ku direitu a votu sta abertu a:

- kalker pai o enkaregadu di un alunu atualmenti identifikadu komu un Alunu Multi-lingi (MLL); o
- kalker pai o enkaregadu di un alunu ki foi identifikadu komu un Alunu Multi-lingi (MLL) na pasadu.

2. Funsons di Menbrus:

- Kupri kes funsons di ELPAC diskritu na Seson 3;
- Partisipa na runions di ELPAC;

1

STATUTUS di Konseliu Konsultivu di Pais di Alunus di Ingles di Skola Charter New Heights di Brockton

3. Menbrus votanti podi vota na ileison anual di dirijentis o kalker otu asuntu ki okori antis di kalker runion di ELPAC.

Artigu 5. DIRIJENTIS

1. Ileison di Dirijentis

- Menbrus ELPAC podi ser nominado o auto-nominadu pa bira un dirijenti.
- Dirijentis ELPAC ta ilejedu anualmenti.
- Ileisons ta desididu pa un sinplis maioria di votus di menbrus votanti. **Pelu menus 6 menbrus debi sta prizenti pa realizason di votu.**

2. Responsabilidades di gabinetis y dirijentis ELPAC di Skola Charter New Heights di Brockton:

Prezidenti:

- Stabilesi ajenda pa tudu runion, en konsulta ku otus menbrus di ELPAC (debi ten pelu menus 3 Runion di MLL Pac pur anu)
- Prezidi runions di ELPAC;
- Aji komu kontaktu ku Xefi di ELE, apontadu pa asisti ELPAC;
- Dizenpenha otus funsons identifikadu pa ELPAC.

Co-Prezidenti:

- Prezidi runions di ELPAC si Prezidenti stiver auzenti.
- Asisti Prezidenti ora ke solisita.
- Dizenpenha otus funsons identifikadu pa ELPAC.

Sekretariu:

- Fazi atas di runions di ELPAC y manti un fixeru di atas.
- Manti y atualiza lista di menbrus di ELPAC.
- Dizenpenha otus funsons identifikadu pa ELPAC

Artigu 6. RUNIONS

1. ELPAC di Skola Charter New Heights di Brockton ta reuni pelu menus tres bez pur anu letivu na un lokalidadi di distritu skolar. ELPAC podi ajenda mas runions si mesti o si for dizejadu pa menbrus di ELPAC.
2. Avizu di runions di ELPAC ta distribuidu pa pais y enkaregadus di alunus di Ingles y alunus antigus di Ingles di siginti formas: folietus, emails, y mensajen di testu (dispunivel na nos linguas mas kumun)
3. Menbrus ki ka ta vota podi partisipa na runions di ELPAC komu konvidadus.

Artigu 7. IMENDA DI STATUTUS Y TOMADA DI OTUS DESIZONS

1. Es statutus podi ser Imendadu, y otus desizons tomadu, pa un simplis maioria di menbrus votanti na un runion jeral.

Adotadu na dia **5 di Setenbru, 2023**